

四庫全書

子部

欽定四庫全書

子部

證治準繩卷一百八

詳校官太醫院醫官_臣姜晟

編修_臣倉聖脈覆勘

總校官進士_臣朱鈐

校對官典簿_臣郭祚熾

謄錄監生_臣饒文洲

欽定四庫全書

證治準繩卷一百八

明 王肯堂 撰

外科

口部

口瘡

丹王四叔公口瘡舌強多痰

白木 甘草梢 人參 赤芍藥 木通 生地

錢壹

證治準繩

黃

半錢

黃連

炒壹錢

灰薑子

拾貳枚

貳

右作一貼煎

羅黃連升麻湯 治口舌生瘡

升麻

壹錢生

黃連

叁錢

右為細末綿裹含津嚥

丹治口瘡黃檗炙同細辛各貳錢研極細傅之嚥少時

當滿口有涎吐之少刻又傅又嚥如是五七次愈

千金方

羅綠袍散 治大人小兒口瘡多不効者

黃檗

肆兩

甘草

貳兩

青黛

壹兩

右先取二味為末入青黛同研勻乾貼

衍黃檗蜜炙與青黛各壹分同為末入生龍腦壹字研勻治心脾熱舌頰生瘡當搽瘡上有涎即吐之

垣密檨散 治口瘡久不愈者用黃檨不計多少蜜炙

灰色為細末乾搽上臨卧忌酒醋醬犯之則瘡難愈

丹好酒煮黃連呷下立愈

本治膈上熱極口舌生瘡

膩粉

壹錢

杏仁

柒粒不去皮尖

右二味臨睡時細嚼令涎出則吐之用溫湯嗽口未

痊可又用

肘治口瘡以薔薇根避風處打去土煮濃汁溫含冷易之

衍五倍子治口瘡以末抹之便可飲食

本治口瘡以膽礬一塊用百沸湯泡開含漱一夕可瘥八分一方用白礬湯漱口亦妙凡口瘡用西瓜漿

水瘡甚者以此徐徐飲之冬月無留皮燒灰噙之

治口瘡以好墨研螻蛄極細傅之立効

胡氏方

螻蛄走小

腸膀胱其効甚捷因力峻氣猛陰虛氣上致瘡者戒勿用惟體實有熱在上焦者用之

子和治一男子病口瘡數年上至口中至咽嗑下至臍腕皆痛不敢食熱物一涌一泄一汗十去其九次服黃連解毒湯不十餘日皆釋

丹口瘡服涼藥不愈者此中焦氣不足虛火汎上先用

理中湯甚則加附子

本治滿口生瘡此因虛火上攻口舌生瘡

草烏頭

壹枚

南星

壹枚

生薑

壹塊

右焙乾為細末每服貳錢臨卧時用醋調作掩之貼手足心來日便愈

丹口瘡以遠志醋研鵝毛掃患處出涎

本治口鼻生瘡用生薑一塊臨睡時細嚼含睡不得開口出氣眠著不妨睡覺燕下

保半夏散 治少陰口瘡聲絕不出者是寒過絕陽氣

不伸

半夏製

壹兩

桂

烏頭

各壹字

右水煎壹盞分作二服

甘礬散 治太陰口瘡

甘草

貳寸

白礬

栗子大

右含化嚥津

乳香散 治赤口瘡

乳香

沒藥

雄黃

各壹錢

輕粉

半錢

巴豆霜

少許為末

搽之

丹治口瘡猪蹄殼燒為末傅之立止

張氏方

治口瘡與

走馬疳茹蒂中只去皮燒存性入少白梅灰與少礬細末傅之立安

羅紅勺藥散

心病口瘡

紫桔紅蒼

三錢四兩

五服安康

右件紫苑桔梗紅芍藥蒼朮各等分為細末羊肝四

兩批開摻藥末參錢用麻紮定火內燒令熟空心食
之白湯送下大効

聖主小兒口瘡通白者及風疳瘡蝕透者以白僵蠶炒
令黃色拭去蠶上黃肉毛為末用蜜和傅之立効

陳主口內熱瘡以古文錢貳拾文燒令赤投酒中飲之
立瘥

口舌生瘡胸膈疼痛用豆豉細末含一宿便瘥

聖治口瘡用縮砂不拘多少火煨為末摻瘡即愈

又法用檳榔燒灰存性為末入輕粉傅之

干治口瘡取桑樹汁先以髮拭口即以汁傅之

垣化毒法凡口瘡無問新舊遇夜卧將自己兩丸以手
搥緊左右換手揉三五十遍但遇夜睡覺行之如此三
五度因酒而生者一夜愈久病諸口瘡三二夜愈如鼻
流清涕惡寒者搥二九向上揉之數夜可愈

牙癰

或問牙根生癰何如曰此名附牙癰屬足陽明胃經熱

毒所致宜服清胃散黃連消毒飲或刺出惡血則愈

清胃散 治膏梁積熱唇口腫痛齒齲潰爛焮痛連頭

面或惡寒發熱

升麻

貳錢

生地黃

牡丹皮

黃連

當歸

酒洗各壹錢

右水煎服痛未止石膏之類可量加

骨槽風

或間牙齦腫痛寒熱大作腐爛不已作疳治之無益何如曰此骨槽風也一名穿腮毒由憂愁思慮驚恐悲傷

所致初起生於耳下及頸項間隱隱皮膚之內略有小核漸大如胡桃日增紅腫或上或下或左或右牙關緊急不能進食先用鵝翎探吐風痰服黃連解毒湯活命飲加玄參桔梗柴胡黃芩切不可用刀針有一人因用藥點破入風虛火上升嘔吐血痰譫語臭穢不食而死又一人上齒根連外腫痛後齒根潰膿醫者皆以牙癰治之久而不斂膿汁不絕詢其故乃曾生廣瘡者即以結毒治之而愈

東垣神功丸

治多食肉人口臭不可近牙齒疳蝕斷

肉將脫牙落血出不止

黃連

去鬚淨酒洗壹兩

縮砂仁

半兩

生地黃

酒浸

甘草

各叁錢

藿

香葉

木香

當歸身

各壹錢

升麻

貳錢

蘭香葉

如無以藿

香葉代之貳錢

右為細末水浸蒸餅為丸菜豆大每服壹百丸加至

貳百丸止白湯下食後服兼治血痢及下血不止血

下褐色或紫黑色及腸澼下血空心米飲送下其脉

洪大而緩及治麻木厥氣上衝逆氣上行腰間者

上腭癰

或問上腭生疽狀如紫葡萄何如曰是名懸癰屬手太陰手厥陰心包絡令人寒熱大作舌不能伸縮口不能開闔惟欲仰面而卧鼻中時出紅涕屬手足少陰經及三焦積熱所致宜黃連消毒飲加桔梗玄參急刺出惡血犀角琥珀膏敷之壯實者一粒金丹下之過時不治飲食不入神昏脉亂者死

唇瘡

世唇瘡以甌上滴下汗傳之累効如神

羅多効散 治唇緊瘡及疹

訶子肉 五焙子

各等分

右為細末乾貼上効

丹唇黃泡腫烏頭炒灰研香油調傳之

胡氏方

唇上生瘡連年不瘥以八月藍葉壹斤搗取汁洗之不

過三日瘥

千金方

唇上生瘡用白荷花瓣貼之神効如開裂出血者即止

項部

百脉疽

鬼遺云百脉疽腫起環頸項疼痛身體大熱不敢動止
惛惛不能食此有大畏恐駭上氣咳嗽其發引耳不可
以腫十五日可刺導引不刺導引見血八十日必死

頸癰

靈樞云發於頸者名曰天疽其癰大而赤黑不急治則

熱氣下入淵腋前傷任脉內熏肝肺熏肝肺十餘日而
死矣 或問頸上生癰疽何如曰是項癰也屬手少陽
三焦經鬱火積憤驚惶所致初覺即隔蒜灸服活命飲
加玄參桔梗升麻及勝金丹奪命丹汗之壯實者一粒
金丹下之老弱者十全大補湯人參養榮湯若潰而不
斂煩躁脹滿小便如淋嘔吐者死 一婦頸痛不消與
神效瓜蒌散六劑少退更以小柴胡加青皮枳殼貝母
數劑痛腫減大半再以四物對小柴胡數劑而平 一

人神勞多怒頸腫一塊久而不消諸藥不應予以八珍湯加柴胡香附每日更隔蒜炙數壯日飲遠志酒貳叁盞漸消 一婦月水不行漸熱欬嗽肌體漸瘦胸膈不利頸腫一塊日久不消令服逍遙散月餘更服八珍湯加牡丹皮香附又月餘加黃芪白薇兩月餘熱退腫消經行而愈 一人年踰三十每勞心過度頸腫發熱服敗毒散愈盛用補中益氣湯數貼而消 一人因暴怒項下腫痛胸膈痞悶兼發熱用方脉流氣二劑胸膈利

以荊防敗毒散二劑而熱退肝脉尚弦瀉以小柴胡加
芍歸芍藥四劑脉證頓退以散腫潰堅丸一料將平惟
一核不消服遇神仙無比丸貳兩而瘳 一兒甫周歲
項患胎毒予俟有膿刺之膿出椀許乳食如常用托裏
藥月餘而愈又一兒患此待膿自出幾至不救 大抵
瘡淺宜砭深宜刺使瘀血去於毒聚之始則易消也况
小兒氣血又弱膿成不針不砭鮮不斃矣 一人項下
患毒已成因畏針俛延至胸赤如霞其脉滑數飲食不

進月餘不寐甚倦予蜜針之膿出即睡覺而思食用托
裏散兩月餘而愈又一人患此及時針刺數日而愈一
人素虛患此不針潰透頷頰血氣愈虛而死 一婦因
怒頸腫後月水不通四肢浮腫小便如淋此血分證也
先以椒仁丸數服經行腫消更以六君子湯加柴胡枳
殼數劑頸腫亦消矣亦有先因小便不利後身發腫致
經水不通名曰水分宜葶藶丸治之良方云婦人腫滿
若先因經水斷絕後致四肢浮腫小便不通名曰血分

水化為血血不通則復化為水矣宜服椒紅丸

項中疽

或問頸後腦下發疽何如曰此即對口瘡也屬督脉陽
獨盛氣有餘火炎上而發疽也急服烏金散勝金丹汗
之壯實者一粒金丹下之稍遲潰出膿水入風發搐者
難治有毒邪壅盛鮮血暴湧而死毒攻心腹膨脹謔語
者死 此證焮赤腫痛可治若根大精神昏憤即難治
也量表裏虛實而為汗下內托內消外用大圍藥箍住

中點六灰膏之類破泄其毒不可走失根脚若欲流兩肩脊者不可療也或云先服追疔奪命湯二貼後服活血化毒湯

治對口瘡効方用新鮮茄蒂柒個秤若干重又用鮮何首烏秤同茄蒂重用水壹鍾半煎服一服出膿一服收口如無鮮茄蒂首烏乾者亦可但不及鮮者有力此方輕劑不可以治重病觀者勿泥也

天柱疽

或問天柱骨上極痒入骨惡心吐逆肩背拘急何如曰
此名天柱疽急隔蒜灸痒止為度無蒜明灸可治服活
命飲加羌活桔梗烏金散勝金丹選用灸而有泡者吉
無泡者凶服汗劑得汗可治無汗難治若潰爛神昏嘔
噦惡心血不止者死

杼疽

參耳復

或問頸上兩耳後生疽何如曰此名杼疽初不甚腫但
痛痒不時而出清水漸漸長大如玳瑁斑點者是也亦

名化骨瘡急服八陣散奪命丹活命飲加桔梗柴胡若
過時潰爛日久出骨者大惡之證也此證多生於積鬱
之人七惡多少犯禁者不治

夾喉癰

或問喉之兩旁生疽何如曰此名夾疽屬手少陰心經
足太陰脾經足厥陰肝火熱毒上攻而然宜琥珀犀角
膏犀角散黃連消毒飲活命飲加玄參桔梗黃連潰內
者難治虛火上升痰壅飲食不進者死

結喉癰

靈樞云癰發於咽中名曰猛疽猛疽不治化為膿膿不
瀉塞咽半日死其化為膿者瀉則合豕膏冷食三日而
已 或問當結喉生癰何如曰是名喉癰又名猛疽以
其勢毒猛烈可畏也屬任脉及手太陽手少陰經積熱
憂憤所致急宜清熱攻毒用琥珀犀角膏及黃連消毒
飲紫金丹烏金散選用壯實者一粒金丹下之若過時
不治潰穿咽嗑者死

瘰癧馬刀

結核連續者為瘰癧 形長如蛤者為馬刀 一云瘰癧者結核是也 或在耳

後耳前或在耳下連及頤頷或在頸下連缺盆皆謂之瘰癧或在胸前胸之側或在兩脇皆謂

之馬刀手足

少陽主之

集驗云夫瘰癧瘡者有風毒熱毒氣毒之異瘰癧結核寒熱之殊其證皆由忿怒氣逆憂思過甚風熱邪氣內搏於肝經蓋怒傷肝肝主筋故令筋縮結畜而腫也其候多生於頸項胸腋之間結聚成核初如豆粒後若梅李累累相連大小無定初覺增寒壯熱咽項強痛腫結

不消者便當服散腫潰堅湯或五香連翹漏蘆湯之類
散之或用牡蠣大黃湯疎利三兩行瘡止可用十香膏
之類貼之及諸淋洗敷貼等藥治之庶得消散若不散
可用內消丸之類消之或隔蒜灸之仍斷慾息氣薄滋
味調理之不然恐日久變生寒熱咳嗽而成勞瘵之疾
不可治矣又有馬刀瘡亦生於項之間有類瘰癧但初
起其狀如馬刀赤色如火燒烙極痛此瘡甚猛宜急治
之不然多成危殆也臨證辨之 丹溪云夫瘰癧初發

必起於少陽經不守禁戒必延及陽明經大抵食味之厚鬱氣之積曰毒曰風曰熱皆此三端招引變換須分虛實彼實者固易治之非痛斷厚味與發氣之物雖易亦難殊為可慮以其屬膽經主決斷有相火而且氣多血少婦人見此若月經行不作寒熱可生稍久轉為潮熱其證危矣自非斷欲絕慮食淡雖神聖不可治也戴復菴云瘰癧之病皆氣血壅結根在臟腑多結於頸項之間累累大小無定發作寒熱膿血潰爛或此沒而

彼起宜於隔宿用米飯調下桂府滑石貳錢鐘動時進
黑白散必有物如葡萄肉從小便出至數枚其腫核則
愈仍常服四七湯加木香或蘇子降氣湯其匝頸者俗
名蟠蛇癰難治 薛新甫云瘰癧之病屬三焦肝膽二

經怒火風熱血燥或肝腎二經精血虧損虛火內動或
恚怒氣逆憂思過甚風熱邪氣內搏於肝蓋怒傷肝肝
主筋肝受病則筋累累然加貫珠也其候多生於耳前
後項腋間結聚成核初覺憎寒惡熱咽項強痛若寒熱

燭痛者此肝火風熱而氣病也用小柴胡湯以清肝火并服加味四物湯以養肝血若寒熱既止而核不消散者此肝經火燥而血病也用加味逍遙散以清肝火六味地黃丸以生腎水若腫高而稍軟面色痿黃皮膚壯熱膿已成也可用針以決之及服托裏之劑若經久不愈或愈而復發膿水淋漓肌體羸瘦者必純補之劑庶可收斂否則變成九癰內經曰陷脉為癰留連肉腠即此病也外用豆豉餅琥珀膏以驅散寒邪補接陽氣內

服補中益氣湯六味丸以滋腎水培肝木健脾土亦有
可愈者大抵肝膽部分結核不問大小其脉左關弦緊
左尺洪數者乃腎水不能生肝木以致肝火燥而筋攣
須用前藥以滋化源是治其本也外臺秘要云肝腎虛
熱則生癰病機云癰瘰不係膏粱丹毒火熱之變因虛
勞氣鬱所致止宜補形氣調經脉其瘡自消散蓋不待
汗之下之而已也其不詳脉證經絡受病之異者下之
則犯經禁病禁虛虛之禍如指諸掌若脉洪大元氣虛

敗為不治若面眇白為金尅木亦不治若眼內赤脉貫
瞳人見幾條則幾年死使不從本而治妄用伐肝之劑
則誤矣蓋伐肝則脾土先傷脾傷則損五臟之源矣可
不慎哉 按脉經云人年五六十其脉浮大者痺俠背
行苦腸鳴馬刀俠癭者皆為勞得之可見癰瘰之證多
起於虛也薛氏之論可為典要故詳著之

治療次第初覺增寒壯熱咽項強痛腫結不消者以羌
活連翹湯又宜長服消癰丸却以稜針刺破出血以拔

毒湯熱淋洗一日洗五七次針五七次放蟾酥末少許
於針處上以琥珀膏貼之更以內消膏貼之久久自然
而消也如不散者用鐵筒拔毒膏貼破次以下品錠子
取去惡肉可作潰瘍治之用十宣散之類托裏若毒攻
心嘔吐者用粉乳托裏散發出毒此要兼針灸法同施
若已潰不愈者宜益氣養榮湯八珍湯加柴胡地骨皮
夏枯草香附子貝母多服取効凡用錠子藥線必用托
裏之劑服之 焮赤腫痛脉沉數者邪氣實也宜泄之

以化毒消腫和裏散加減 腫痛憎寒發熱或拘急脉
浮數者邪在表也宜散表以荆防敗毒散加減 因怒
結核或腫痛或發熱者宜疎肝行氣以小柴胡湯加青
皮青木香紅花桃仁 腫硬不潰者宜補氣血以益氣
養榮湯 折鬱所致者解鬱結調氣血以益氣養榮湯
潰後不斂者屬氣血俱虛宜大補以益氣養榮湯次
用十全大補湯加香附子貝母遠志 虛勞所致者宜
補之先以補中益氣湯次以益氣養榮湯加減 因有

核潰而不斂者腐而補之以針頭散腐之以益氣養榮
湯補之 脉實而不斂或不消者下之以羌活連翹湯

腫痛發寒熱大便秘以羌活連翹湯次以神仙活命

飲 耳下結核腫痛發熱寒宜荆防敗毒散表證悉退

以散腫潰堅湯 潰後核不腐以益氣養榮湯更數針

頭散腐之 腫硬久不消亦不作膿服散堅敗毒藥不

應宜灸肘尖肩尖服益氣養榮湯而消氣血壯實之人

脉沉實而大者亦不覺損方可進必效散遇仙無比丸

下其毒若其毒一下即止二藥更服益氣養榮湯調理
瘡口不斂宜用豆豉餅灸之以琥珀膏十香膏貼之
潰後發熱煩躁作渴脉大無力此血虛也宜以當歸
補血湯次以聖愈湯再八物湯加貝母遠志 每勞心
過度頸腫發熱服敗毒藥愈甚以補中益氣湯數劑而
消

治驗閩老楊石齋子年十七發熱作渴日晡頰赤左關
尺脉大而浮此肝腎陰虛用補陰八珍湯五十餘劑又

加參芪二十餘劑而潰但膿水清稀肌肉不生乃以參
芪歸朮為主佐以芍藥熟地麥門五味膿水稠而肌肉
生更服必効散一劑癰毒去而瘡口斂 容臺張美之
善怒孟春患此或用伐肝之劑不愈余以為肝血不足
用六味地黃丸補中益氣湯以滋化源至冬季而愈
一儒者愈後體瘦發熱晝夜無定此足三陰氣血俱虛
用八珍加麥門五味二十餘劑又用補中益氣加麥門
五味及六味丸而愈 儒者張子容素善怒患此久而

不愈瘡出鮮血左關弦洪重按如無此肝火動而血妄
行證屬氣血俱虛用補中益氣湯以補脾肺用六味丸
以滋腎肝而愈 一人耳下患五枚如貫珠年許尚硬
面色痿黃飲食不甘勞而發熱脉數軟而瀦以益氣養
榮湯六十餘劑元氣已復患處已消一核尚存以必效
散二服而平 一人先於耳前耳下患之將愈延及項
側缺盆三年遂延胸腋診之肝脉弦數以龍會散堅二
九治之將愈肝脉尚數四年後小腹陰囊內股皆患毒

年餘不斂脉診如前以清肝養血及前丸而愈 一人
因怒耳下及缺盆患癰潰延腋下形氣頗實瘡口不合
治以散腫潰堅丸而愈 一人因勞而患怠惰發熱脉
洪大按之無力宜用補中益氣湯彼不信輒服攻伐之
劑吐瀉不止而死 大抵此證原屬虛損若不審虛實
而犯病禁經禁鮮有不誤常治先以調經解鬱更以隔
蒜灸之多自消如不消即以琥珀膏貼之候有膿則針
之否則變生他證設若兼痰兼陰虛等證只宜加兼症

之劑不可干擾餘經或氣血已復而核不消却服散堅
之劑至月餘不應氣血亦不覺損方進必効散或遇神
仙無比丸其毒一下即止二藥更服益氣養榮湯數劑
以調理瘡口不斂豆豉餅琥珀膏貼氣血俱虛或不慎
飲食起居七情者俱不治然此證以氣血為主氣血壯
實不用追蝕之劑彼亦能自腐但取去使易于收斂若
氣血虛不先用補劑而數用追蝕之藥適足以敗矣若
發寒熱眼內有赤脉貫瞳人者亦不治一脉者一年死

二脉者二年死 一人患之痰盛胸膈痞悶脾胃脉弦
此脾土虛肝木乘之也當實脾土伐肝木為主彼以治
痰為先乃服苦寒化痰藥不應又加破氣藥病愈甚始
用六君子湯加芎歸數劑飲食少思以補中益氣湯倍
加白朮月餘中氣少健又以益氣養榮湯四月腫消而
血氣亦復矣夫右關脉弦弦屬木乃木盛而尅脾土為
賊邪也虛而用苦寒之劑是虛虛也況痰之為病其因
不一主治之法不同凡治痰利藥過多則脾氣愈虛虛

則痰愈易生如中氣不足必用參朮之類為主佐以痰藥一人久而不斂神思倦困脉虛予欲投以托裏彼以為迂乃服散腫潰堅湯半月餘果發熱飲食愈少復求治投益氣養榮湯三月喜其謹守得以收效 齊氏曰結核癰瘰初覺宜內消之如經久不除氣血漸衰肌寒肉冷或膿汁清稀毒氣不出瘡口不合聚腫不赤結核無膿外證不明者並宜托裏膿未成者使膿早成膿已潰者使新肉早生血氣虛者托裏補之陰陽不和托

裏調之大抵托裏之法使瘡無變壞之證所以宜用也
一婦患瘰癧延至胸腋膿水淋漓日久五心煩熱肢體
疼痛頭目昏重心忪頰赤口乾咽燥發熱盜汗食少嗜
卧月水不調臍腹作痛予謂血虛而然非癰故也服逍
遙散月餘少可更服八珍湯加牡丹皮香附子又月餘
而經通再加黃耆白薇兩月餘而愈 一婦久患瘰癧
不消自汗惡寒此血氣俱虛服十全大補湯月餘而潰
然堅核雖取瘡口不斂予以豆豉餅仍與前藥加香附

烏藥兩月而愈 一婦瘰癧潰後發熱煩躁作渴脉大無力此血虛也以當歸補血湯六劑頓退又以聖愈湯數劑少健加以八珍湯加貝母遠志三十餘劑而斂 一婦潰後核不腐以益氣養榮湯三十餘劑更敷針頭散腐之再與前湯三十餘劑而斂 一婦久潰發熱月經過期且少用逍遙散兼前湯兩月餘氣血復而瘡亦愈但瘡口不收敷針頭散更灸前穴而痊 一婦肝經積熱患而作痛脉沉數以射干連翹湯四劑少愈更用散

腫潰堅九月餘而消 一婦瘰癧與養氣順血藥不應
服神効瓜蒌散二劑頓退又六劑而消却與托裏藥氣
血平復而愈 一婦年踰三十瘰癧已潰不愈與八珍
湯加柴胡地骨皮夏枯草香附貝母五十餘劑形氣漸
轉更與必效散二服瘡口遂合惟血氣未平再用前藥
三十餘劑而平 一婦瘰癧不消膿清不斂用八珍湯
少愈忽肩背痛不能回顧此膀胱經氣鬱所致當服防
風通氣湯彼云瘰癧膽經病也是經火動而然自服涼

肝降火之藥反致不食痛盛予診其脉胃氣愈弱先以
四君子加陳皮炒芍藥半夏羌活蔓荊子四劑食進痛
止繼以防風通氣二劑而愈 一女年十七患瘰癧久
不愈月水尚未通發熱咳嗽飲食少思老嫗欲用巴豆
肉桂之類先通其經予謂此證潮熱經候不調者不治
但喜脉不濡且不潮熱尚可治須養氣血益津液其經
自行彼欲効速用巴桂此慄悍之劑大助陽火陰血得
之則妄行脾胃得之則愈虛果通而不止飲食愈少更

加潮熱遂致不救 一婦人瘰癧久不愈或以木旺之
證用散腫潰堅湯伐之腫硬益甚薛以為肝經氣血虧
損當滋化源用六味地黄丸補中益氣湯至春而愈此
證若肝經風火暴病元氣無虧宜用前湯若風木旺而
自病宜用瀉青丸虛者用地黃丸若水不能生木亦用
此丸若金來尅木宜補脾土生腎水大凡風木之病壯
脾土則木自不能尅矣若行伐肝則脾胃先傷而木反
尅土矣 一婦患之恐不起致少寐年餘癰破膿水淋

漓經水或五十日或兩月餘一至誤服通經丸輾轉無
寐午前惡寒午後發熱薛以為思慮虧損脾血用當歸
湯作九午前以六君送下午後以逍遙送下兩月餘得
寐半載後經行如期年餘瘡愈 一婦瘰癧後遍身作
痒脉大按而虛以十全大補湯加香附治之而愈大凡
潰後午前痒作氣虛午後痒作血虛若作風症治之必
死 子和治婦人病瘰癧延及胸臆皆成大瘡相連無
好皮肉求戴人療之戴人曰火淫所勝治以鹹寒命以

滄鹽吐之即一吐而結痂次用涼膈散解毒湯等剝皮肉反復如初

東垣連翹散堅湯 治耳下至缺盆或至肩生瘡堅硬如石動之無根者名馬刀瘡從手足少陽經中來也或生兩脇或已流膿作瘡或未破並皆治之

當歸

酒洗

黃芩

生

連翹

廣茂

酒洗

京三稜

細剉同廣茂酒洗一

次微炒乾已上各半兩

土灰根

酒炒

草龍膽

酒洗各壹兩

柴胡根

壹兩

錢貳 酒炒 芩

炙甘草

陸錢

黃連

酒炒

蒼朮

各叁錢

芍藥

壹錢

右以一半為細末煉蜜為丸如菉豆大每服壹百丸
或一百五十九一半吹咀每服半兩水一盞八分先
浸半日煎去滓熱服臨卧頭低脚高去枕而卧每口
作十次嚥留一口送下九子服畢如常安卧

升陽調經湯 治遠項下或至頰車生瘰癧此證出足
陽明胃經中來也若其瘡深遠隱曲肉低是足少陰
腎經中來也是戊土傳癸水夫傳妻俱作塊子堅硬
大小不等並皆治之或作丸服亦得

升麻

八錢

連翹

草龍膽

酒炒

桔梗

黃連

去鬚

京三

稜

酒洗同廣

葛根

甘草

炙已上

知母

酒洗炒

細

各一兩

黃芩

酒炒

黃蘗

去粗皮

酒炒

六錢

右秤一半作丸煉蜜丸如菉豆大每服一百丸或一

百五十九一半咬咀每服半兩若能食大便秘可旋

加至七八錢止水貳盞先浸半日煎至一盞去滓熱

服卧身脚在高處去枕頭噙一口作十次嚥之留一

口在後送下九子服藥畢卧如常此治法也

散腫潰堅湯 治馬刀瘡結硬如石在耳下至缺盆或至肩上或至脇下皆手足少陽經中及瘰癧遍下頰或至頰車堅而不潰在足陽明經中所出或二瘡已破及流膿水並皆治之服藥多少臨病斟酌量病人飲食多少大便硬軟以意消息之

柴胡稍

四錢

草龍膽

酒炒

黃蘗

去粗皮

知母

炒

瓜蒌根

酒洗 昆布

去土

桔梗

各半兩

甘草根

炙

京三稜

酒炒

廣茂

酒洗

炒 連翹

當歸

各三錢

白芍藥

葛根

黃連

各二錢

升麻

六錢

黃芩稍

八錢

一半酒洗

炒一半生用

右吹咀每服六錢或七錢水二盞先浸半日煎至一盞去渣稍熱服於卧處伸脚在高處頭微低每噙一口作十次嚥至服畢依常安卧取藥在胸中停留故也另攢半料作細末煉蜜為丸如菉豆大每服一百丸此湯留一口送下更加海藻半兩炒食後量虛實加減多少服皆倣此例

救苦勝靈丹湯

治馬刀挾癭者從耳下或耳後下頸

至肩上或入缺盆中者乃手足少陽經之分野其癰
瘕在於頰下或至頰車者乃足陽明經之分野受心
脾之邪而作也今將二證合治之

黃芪

一錢 黃芪皮毛實膝理及活血氣又

人參

三分 補肺

氣如氣短及不
調而喘者加之

真漏蘆

半錢 勿以白
頭翁代之

升麻

一錢 葛根

半錢 此三味俱
足陽明本經藥

甘草

半錢 能調中
諸藥瀉火益胃

連翹

一錢 此

十二經瘡中之藥不可無者能
散血結氣聚此瘡家之神藥也

牡丹皮

二分 去腸
胃中留滯

宿
血當歸身

三分

生地黃

三分 此三味諸經中
和血生血涼血藥也

白芍

三分

如夏月倍之其味酸其氣寒能補肉桂二分大辛

中益氣治腹痛如冬月寒症勿用如聚陰症瘡瘍少用之此寒因熱用之意又為柴

陰寒覆益其瘡用大辛熱去之煩躁者勿用胡功同連翹如瘡不黍粘子三分無昆布二分味

堅硬甚者用之鹹能軟堅也京三稜炮二分廣茂三分此二味瘡

勿用不硬者羌活獨活防風各一錢已上三味俱

項強不可回顧腰似折項似拔關手足太陽證脊痛防風辛溫如瘡在

膈上雖無手足太陽經證亦當用之為能散結去

上部風邪故也益智仁二分如唾多者胃不和也或吐沫麥芽壹錢消神麴炒二分食不黃連炒三分厚朴

薑製一錢二分
如腹脹加之

黃礬

炒三分
如有熱或腿腳無力
加之如煩躁欲去衣者此腎

中伏火也
更宜加之

右共為細末湯浸蒸餅捏作餅子晒乾搗如米粒大
每服三錢白湯下 如氣不順加橘紅甚者加木香

少許量病人虛實消息之母令藥多妨其飲食此治
之大法也 如止在陽明分者去柴胡黍粘子二味
餘皆用之 如在少陽分為馬刀挾癭去獨活漏蘆
升麻葛根加蘆麥三分 如本人氣素弱其病勢來

時氣盛而不短促者不可考其平素宜作氣盛而從

病變治之權也加黃芩黃連黃檗知母防已視邪氣

在上中下而用之假令在上焦加黃芩

半酒洗
半生用

在中

焦加黃連

半酒洗
半生用

在下焦加酒製黃檗知母防已之

類選而用之

如大便不通而滋其邪盛者加酒製

大黃以利之

如血燥而大便乾燥者加桃仁泥大

黃如風結燥不行者加麻仁大黃以潤之如無

澀而大便不行加煨皂角仁大黃秦艽以利之如脉

泄覺身有氣泄而大便不通者加郁李仁大黃以除風燥如陰寒證為寒結秘而大便不通者以局方半硫丸或加炮附子乾薑煎候冰冷服之

大抵用藥之法不惟瘡瘍一家凡諸疾病氣素怯弱者當去苦寒之劑多加人參黃芪甘草之類以瀉火而補元氣餘皆倣此

柴胡通經湯 治小兒項側有瘡堅而不潰名曰馬刀亦治瘰癧

柴胡 當歸尾 生甘草 連翹 黃芩 牛蒡

子 京三稜 桔梗 各一錢半 黃連 一錢 紅花 少許

右作一服水二鍾煎至一鍾食後服此是攻裏內劑之劑

柴胡連翹湯 治男子婦人馬刀瘡

柴胡 連翹 知母 酒製 黃芩 炒各半兩 黃檗 酒製 生地黃

甘草 炙各三錢 當歸尾 一錢半 桂 三公 牛蒡子 二錢 瞿麥穗 六錢

右剉如麻豆大每服三錢或五錢水二大盞煎至一

蓋去滓食後稍熱時時用之

消腫湯 治馬刀瘡

柴胡

黃芩

生用各二錢

黃連

牛蒡子

炒各半錢

黃芪

瓜蒌根

各一錢半

連翹

三錢

當歸尾

甘草

各一錢

紅花

少許

右㕮咀每服半兩水二大盞煎至一盞去滓食後稍

熱服忌酒濕麵

羅謙甫云曲陽縣劉禪師善治瘡瘍癰癰其効更捷予授四方太乙膏玉燭散尅効散翠玉膏用之每每見効

太乙膏 治瘰子瘡神効

沒藥

錢四 清油

斤一 黃丹

兩五 腦子

錢研一

麝香

錢三 輕粉

乳香

錢各二

右以清油黃丹熬成膏用柳枝攪又用蔥蔥七枝旋
旋加下蔥盡為度下火不住手攪至滴水不散却入
乳沒腦麝輕粉等味攪勻磁器內盛用

剋効散

盤螯

四十九箇不
去翅足炒

粳米

四十粒

赤小豆

四十粒

官桂

硃砂

錢各半

右五味研為細末初服一字次服半錢次服叁字又次服四字煎章柳根湯送下空心服小便淋瀝併作瀉為効惡心嘔吐黃水無妨其瘰癧日日自消矣
玉燭散 治療癰自消和血通經

當歸 芍藥 大黃 甘草 熟地黄 芒硝

黃芩 川芎

各等分

右為粗末每服三錢水一盞生薑三片煎至七分去

渣溫服日進一服七八日効

翠玉膏

方見連瘡

羌活連翹湯

治療癰初發寒熱腫痛

防風

羌活

連翹

夏枯草

柴胡

昆布

洗

枳殼

黃芩

酒炒

川芎

牛蒡子

甘草

金銀花

右薄荷水煎服

次以追毒散行之以化堅湯消之

大効

防風羌活湯

治療癰發熱者

防風 羌活 連翹 升麻 夏枯草 牛蒡子

川芎

黃芩

酒浸

甘草

昆布

洗

海藻

洗

殭蠶

右薄荷水煎服 虛者加人參當歸 實者加黃連

大黃

加味敗毒散 治風熱上壅頸痛或因怒氣增寒壯熱

如服四五劑不退宜服益氣養榮湯

即荆防敗毒散加牛蒡子玄參

楊氏家藏治療癰方

荆芥

白僵蠶

黑牽牛

各二錢

蟹螯

二十八箇去頭翅足用大

炒米

右為末臨臥時先將滑石末一錢用米飲調服半夜時又一服五更初却用溫酒調藥一錢或二三錢量強弱用服訖如小便無惡物行次日早再進一服又不行第三日五更初先進白糯米稀粥湯再進前藥一服更以燈心湯下調琥珀末一錢重服以小便內利去惡毒為愈如小便痛用青黛一錢以甘草湯調送下即止

嚴氏三聖丸 治療癰

丁香

五十粒

蟹螯

十箇

麝香

另研一錢

右為末用鹽豉五十粒湯浸研爛如泥和前藥令勻
丸如棗豆大每服五七丸食前溫酒下日進三服五
七日外覺小便淋瀝是藥之効或便下如青筋膜之
狀是病之根也忌濕麵毒食

保命連翹湯

連翹

瞿麥

各一斤

大黃

三兩

甘草

二兩

右剉每服一兩水二椀煎至一盞半早食後已時服
在項兩邊屬足少陽經服藥十餘日後可於臨泣穴
灸二七壯服藥不可住至五六十日方効 一方加
大黃木通貝母一作知母各五兩雄黃七分欖榔半兩減
甘草不用同前藥為細末熟水調下三伍錢

三因必勝丸 治療癰不以年深月近及腦後兩邊有
小結塊連復數箇兼勞瘵腹內有塊

鯽魚

一箇去鰾并子

雄黃

一塊雞子大

硃砂

一錢已上二味並入在鯽魚腹內仰

安魚於炭火上燒煙盡取出

蜈蚣

全者一條

蓬朮

半兩

梔子

五枚

皂角

二挺

四味並燒存性

草薢子

五箇去皮燈火上燒

黃明膠

三文

右為末另用皂角二挺去皮槌碎以水三碗揉去滓

煮精羊肉四兩爛軟入輕粉五匣男子乳汁半兩同

研成膏和藥末丸如菉豆大硃砂為衣溫酒侵晨下

十九一服至晚看肉疣瘡子若項有五箇則以五服

藥取之視其所生多少以為服數既可更進數服

白花蛇散

治久漏瘰癧發於項腋間增寒發熱或痛

或不痛

白花蛇

酒浸軟去皮
骨焙乾二兩

犀角屑

青皮

黑牽牛

生

半炒以上三
味各半兩

右為末每服二錢加膩粉半錢研勻五更糯米飲調下已時利下惡物乃瘡之根也更候十餘日再進一服忌發風壅熱物如已成瘡一月可効神驗

小犀角丸

常服除去根本截其源流應效如神諸瘰

並宜服之

犀角

青皮

黑牽牛

半生半炒

陳皮

各一兩

連翹

半兩

右為細末用皂角二挺去皮弦子泡槌以布絞取汁一
碗許又用新薄荷二斤研取汁同熬成膏以前藥末為丸如桐子大每服三十九連翹湯食後服間以薄荷茶湯服

是齋立應散 治療癰神効已破未破皆可服

連翹

赤芍藥

川芎

當歸

甘草

炙

滑石

研各

半兩 黃芩

白牽牛

生取末

川烏尖

七箇

土蜂房

蜜水洗飯上蒸

日乾各
二錢半 地膽 去頭翅足拌米炒米
黃為度去米秤三錢

右為細末每服抄一大錢匕濃煎木通湯調下臨卧
服毒根從小便中出澁痛不妨毒根如粉片塊血爛
肉是也如未効再服繼以薄荷丹解其風熱且地膽
性帶毒濟以烏尖或衝上麻悶不能強制嚼蔥白一
寸茶清下以解之如小便澁燈心湯調服五苓散瘡
處用好膏藥貼若癰疽用此宣導惡毒本方去黃芩
不用

雌雄散 治瘰癧

蟹螯

一雌一雄足翅全者
新瓦焙焦去頭翅足

貫衆

二錢

鶴蝮

甘草

右細末作兩服飽飯後好茶濃點一盞調下

遇仙無比丸 專治瘰癧

白朮 檳榔 防風 黑牽牛 半生半炒 蜜陀僧 郁

李仁

湯炮去皮

蟹螯

去翅足用糯米同炒去米不用

甘草

已上各五錢

右為細末麵糊為丸如梧子大每服二十九早晚煎

甘草檳榔湯送下服至一月覺腹中微疼於小便中

取下癰子毒物有如魚目狀已破者自合未破者自

消

射干連翹湯 治療癰寒熱

射干 連翹 玄參 赤芍藥 木香 升麻

前胡 山梔仁 當歸 甘草 炙各一兩 大黃 炒二兩

右咬咀每服三錢水一盞煎七分去渣入芒硝少許

食後溫服日再服

括蔞子散 治療癰初腫疼痛寒熱四肢不寧

括蔞子 連翹 何首烏 皂角子仁 牛蒡子

微炒 大大黃 微炒 白螺殼 梔子仁 漏蘆 牽牛 微炒

甘草 生各一兩

右為細末每服二錢匕食後溫酒調下

枳殼丸 治瘡疽熱癰腫癰瘕

枳殼 去穰 牽牛 炒取頭末 木香 青皮 各一兩 甘草

大黃

右為細末用皂角長一尺許者三挺約三兩炮焦槌

碎以好酒煮軟採取汁熬膏稠黏和前藥末為丸如

梧桐子大每服三五十丸食後蔥茶下日進二服

內消丸 治瘡腫初生及癰癰結核熱毒鬱滯服之內消矣大効

青皮 陳皮 各二兩 牽牛 八兩取頭 薄荷葉 八兩 皂角

八兩用不蛀者去麤皮槌碎以冷水一斗煮令極軟搗汁去滓熬成膏

右將青皮陳皮末并牽牛末和勻用前膏子和丸如菜豆大每服三十九食後荆芥茶清溫水皆可下

必効散 治療瘕氣血雖無虧損內有瘕核未去而不能愈

南礪砂

二錢半

輕粉

一錢

麝香

五分

巴豆

五粒

去心膜

白檳榔

一箇 蟬蛻

十四枚去足翅同糯米炒

右同研極細末取鷄子二箇去黃用清調藥仍入殼內以濕紙數重糊口入飯甑候熟取出曝乾研末虛者每服半錢實者一錢用炒生薑酒五更初調服如覺小腹痛用益元散一服其毒俱從大便出胎婦勿

餌毒去後多服益氣養榮湯瘡口自合

精要云治瘡
應用必効散

與瓜蔓散相間服神効後有不問虛實緊用必効散
殊不知蟹螯性猛大毒利水破血大損元氣若氣血
實者用此劫之而投補劑或可愈若虛而用此或
用追蝕之劑瘡肉雖去而瘡口不合反致不救

雞鳴散

治氣癰疼痛及熱毒結核或多煩悶熱而不

寒者

牽牛

一兩

胡粉

一錢

大蒸

一錢

朴硝

煨成粉

者三錢

右為細末每服三錢雞鳴時井花水調服以利為度

如不利再服

法製靈雞彈 治療癰馬刀腋下生者

蟹螯

七箇去
頭翅足

右將雞子一箇頂上敲開些小入藥在內紙封固了
於飯上蒸熟取出去殼切開去藥五更空心和米飯
嚼服候小便通如米泔水狀如脂即驗也如大便小
便不通却服琥珀散三二貼催之然後常服後二藥
尤佳

妙靈散 服前藥後却將此散與連翹丸相間常服瘡

愈方止

木香

錢三

沉香

錢二

牛膝

何首烏

當歸

海螵蛸

桑寄生

各一兩

海藻

二兩

海帶

青箱子

昆布

甘草節

各半兩

右為末每服三二錢食後溫酒調下

內消連羗丸

連翹

三兩

漏蘆

胡桃仁

夏枯草

土灰根

射干

澤蘭

沙參

白芨

各一兩半

右為末入胡桃仁研勻酒糊為丸如桐子大每服三
五十九空心食前鹽酒下

玉屑妙靈散

滑石

細研
為末

右每服一錢煎川木通湯調下

六丁神散

苦丁香

六枚或
秤半錢

白丁香

錢一

苦參末

五分

磨刀泥

胃石
者佳

一名龍
泉粉

赤小豆

白殭蠶

去糸嘴炒
各一錢

大蠶螯

七箇
去頭

足炒

右六味共為細末每服一錢空心用無灰酒調下

薄荷丹 解癰癰風熱之毒自小便去宣毒後常須服

薄荷

皂角

不蛀者
去弦皮

連翹

何首烏

米泔
浸

蔓荊子

京三稜

煨

荊芥

各一
兩

右為末好豉二兩半以米醋煎沸灑豉淹令軟研如

糊和丸桐子大每服三十九食後熟水下日一服病

雖愈常服之

四聖散 治療癰服白花蛇散轉利後服此藥調之永
去其根

海藻

洗

石決明

煨

羌活

瞿麥穗

各等分

右件共為細末每服二錢用米湯調下清水盡為度

瞿麥飲子 治療癰馬刀

瞿麥穗

半斤

連翹

一斤

右為粗末水煎臨卧服此藥經効多不能速驗宜待
歲月之久除也

海菜丸 治癰生於頭頂上交接名蛇盤癰宜早治之

海藻菜

蒸炒麵

白殭蠶

微炒去絲嘴

右等分為細末海藻菜旋炒研篩湯泡白梅取肉減
半用所泡湯為丸如梧桐子大每服六七十丸食後
臨卧米飲送下其毒自大便內泄出若與淡菜連服
為妙蓋淡菜生於海藻上亦治此病忌豆腐雞羊酒
麵日五六服

棋榔散 治氣毒瘰癧心膈壅悶不下飲食

檳榔

前胡

去蘆

赤茯苓

牛蒡子

炒各一兩

人參

去蘆

殼

去穰炒

沉香

防風

去蘆各半兩

甘草

炙二錢半

右剉碎每服四錢以水一盞入生薑半分煎至陸分

去渣空心及晚食前溫服

皂角煎丸

治風毒癰瘰

皂角

不蛀者三十挺內十挺炮黑十挺酥炙十挺用水一鐘煮軟揉取汁用

何首烏

玄參

薄荷葉

各四兩

右為細末以皂角汁熬膏同鍊蜜為丸如豌豆大每

服三四十丸食後溫湯送下

祛風丸

一名何首烏丸

治風毒癰瘰

何首烏

蒸

乾薄荷葉

玄參

各四兩為末

精羊肉

半斤

皂

角

三十挺用十挺火燒欲過拾挺酥炙去皮十挺水接取汁去滓

右以皂角水煮肉使爛細研和藥為丸如梧桐子大
每服二十丸空心溫酒或薄荷湯送下

絳宮丸

大黃

酒蒸

白朮

各二兩

山查

連翹

川芎

當歸

洗

麥芽 桃仁 蘆薈 甘草 芸薹子 各一兩 黃連

酒洗 南星 酒浸 海藻 酒洗 各一兩半 升麻 羌活 桔梗 防

風 各半兩 黃芩 酒炒 半兩

右為末用神麴糊為丸已破加人參一兩煎膏用甘草節僵蠶同煎

治療癰結核九藥

黃芪 七分 玄參 八分 苦參 牛蒡子 各九分 枳實 炒 大黃

羚羊角屑 麥門冬 去心 各五分 人參 去蘆 青木香 蒼

耳子 升麻

茯苓

甘草

炙桂心

朴硝

各四兩

右為細末煉蜜為丸如梧子大以酒下十九日夜三四漸加至二三十丸以知為度忌生冷豬肉海藻松菜生蔥酢蒜陳臭等物

水紅花飲

治癰癰腫核結硬不消及膿汁傍穿不瘡

水紅花

不拘多少一半炒一半生用

右粗搗篩每服二錢水一盞煎七分去滓溫服食後臨卧日三好酒調亦可

又方

牡礪

不以多少用灰深培上以炭三斤煨火盡取半斤為細末

甘草

取末二兩

右研勻每服二錢食遠以建茗同點日二服忌魚酒
鮮醬油鹽海味等物

治頸上塊動者

夏枯草

六錢

甘草

一錢

右各另為末和勻每服三錢至二錢茶清調下

許學士云夏枯草大治癰癰散結氣有補養厥陰血脉

之功而經不言觀其能退寒熱虛者儘可倚仗若實者以行散之藥佐之外施艾灸亦漸取效此草三四月開夏至邊便枯蓋稟純陽之氣得陰則枯耳世人不知故表而出之

本事方 治鼠瘻癰瘰

土附子一枝 食鹽三升 小便五升

右三味同浸半月日取出將附子去黑皮陰乾為末用黑豆爛煮研為膏丸附子末如梧子大每服十九

酒吞下早晚二服

治一切丈夫婦人瘰癧經効牡蠣用炭一稱煨通赤取出於濕地上用紙襯出火毒一宿取四兩玄參三兩并搗羅為末以麵糊為丸如梧桐子大早晚食後臨卧各服三十九酒吞下此藥將盡瘰亦除根

肘後治領下瘰癧如梅李大宜速消之海藻一斤酒一升漬數日稍稍飲之

行取蓼子微炒研為細末薄荷酒調二錢服治瘰癧久

則効

初虞世治療應用夜合草遇夜則其葉閉合本草名合
明俗名連錢母出禾田中貼水面取其葉搗自然汁服
之渣盪患處効

保命文武膏

治療應用桑椹黑熟者二斗以布袋絞

取汁石器中熬成膏子白湯化下一匙日三服紅者
晒乾為末湯調服

聖惠治療癰腫痛年深時久不瘡用狸頭蹄骨酥炙黃

搗羅為散每日空心粥飲調下一錢

破結散

大成

治石癭氣癭血癭肉癭馬刀瘰癧等證

海藻

酒洗

龍膽草

酒洗

海蛤粉

通草

貝母

去心

礬石

枯

昆布

酒洗

松蘿

各三錢今以桑寄生代効

麥麴

二錢

右為細末每服二錢熱酒調食後服忌甘草鯽魚雞

肉五辛生菓 有人於項上生瘰大如茄子潮熱不

食形瘦日久百方不効後得此方去松蘿加真桑寄

生一倍服五日後其瘡軟而散熱退而愈屢醫數人

皆効

益氣養榮湯

治懷抱抑鬱或氣血損傷四肢頸項等

處患腫不問軟硬赤白腫痛或潰而不斂

人參

茯苓

陳皮

貝母

香附子

當歸

酒拌

川芎

黃芪

鹽水拌炒

熟地黃

酒拌

芍藥

炒各一錢

甘草

炙

桔

梗

各五分

白木

炒二錢

柴胡

六分

右薑水煎服

附散腫潰堅丸

治瘰癧馬刀瘡服益氣養榮湯不能

消散者宜服此九五日又服益氣湯五日如此相兼服之不應以針頭散傳之

知母

黃檗

各酒拌炒

瓜蒌根

酒拌

昆布

酒洗炒

桔梗

蓬

茂

酒拌炒

連翹

黃連

炒

京三稜

酒拌炒

葛根

白芍

藥

各三錢

升麻

當歸尾

酒拌

柴胡

甘草

各一兩

草龍

膽

四兩酒炒

黃芩

一錢五分一半酒炒一半生用

右為細末煉蜜為丸如菴豆大每服一百丸或一百五十丸滾湯送下

又治癰瘰

人參 白朮 當歸 陳皮 芍藥 川芎

酒浸各壹錢

香附子 茯苓 半夏 甘草

各伍分 許少

右作一服薑貳片以金銀藤煎湯一鍾半煎前藥食

後就吞絳宮丸伍拾丸

方見前

補陰八珍湯 治癰瘰等瘡屬手三陰虛者

當歸 川芎 熟地黃 芍藥 人參 白朮

茯苓 甘草 黃蘗 知母

酒炒各 黑 酒炒各 柒分

右水煎服

夏枯草湯 治瘰癧馬刀不問已潰未潰或日久成漏
用夏枯草陸兩水二鍾煎至柒分去渣食遠服此生
血治瘰癧之聖藥虛甚當煎濃膏服并塗患處多服
益善兼十全大補湯加香附子貝母遠志尤善

初虞世云瘰癧多生肩項或赤或白或沉或浮初生如
豆久似核年月浸久其大如梅或如雞卵排行成列或
生二三或生六七俗云蟠蛇癧是也用性努力思慮過

久則疾痛赤腫繼之早治為上

流注癰婦人多有之其性急躁其氣怫鬱其心執著初生在項破後膿注四肢遍體結毒如梅李狀不療自破孔竅相穿寒熱疼痛或流膿汁是名流注癰也又名千歲瘡宜服托裏救苦神應丸

川烏附

去皮臍生用

當歸

酒浸壹宿

沒藥

白芷

陳皮

甘草節

各壹兩

烏頭

伍兩

薑黃

壹兩半

蟬蛻

水洗半兩

大皂角

桑挺去

皮弦子

右用皂角敲碎水肆大椀煎至貳大椀瀘去渣用汁
一同煮烏頭川烏候烏頭爛為度搗如泥其餘諸藥
却另為末和烏頭泥為丸如桐子大每服陸拾丸饑
飽皆用薄荷湯下若瘡既破穿鑿孔穴其處必生腫
肉如指大或黑或白乃風與氣搏宜驅風行經散氣
之劑以化氣調經湯主之

化氣調經湯 與神應丸間服治流注癰

香附子

酒洗壺宿日乾

羌活

白芷

各壺兩

牡蠣

火煨

甘草

天花粉

皂角

各半兩

橘皮

兩

右為細末每服貳錢用白湯不拘時調下日三次

如脉有力者先用追毒神異湯下之却服救苦神應丸

辰砂 血竭

各壹錢

麝香

壹字共研細

大黃 大甘草節

各半兩共為吹咀

右為吹咀河水壹鍾煎至半鍾調前末子臨睡服之

單窠癰者生一箇也發於頸項最難治但宜如前藥服之日久自消或發於顙骨亦難治用毒藥療之勿令浸

漬日久 蓮子癰一胞裏十數枚生於項之左右以手觸則能轉動尚可用藥治療如堅硬挨不動者乃不可生憎寒發熱躁渴凡遇此證至難治雖神聖亦無如之何也已

重臺癰生於項頸或左或右初則單窠結在上或在下重疊見之是名重臺癰此證藥不可療不可針灸若是毒行其腫痛發渴生痰萬死一生害人極速初覺有之急用小犀角九粉金散治之 燕窠癰形以燕窠不可治

程石香治法以火針刺入核中不可透底納蟾酥膏於中外用綠雲膏貼之三日後取去核中稠膿膿盡取去核外薄膜先破初起之核一枚以絕其源服藥後出者皆愈或不肯收如銀杏者盡皆開了用藥取之其自潰者猶如木菓之腐熟肉雖潰而核猶存故膿水淋漓久難得愈治者用鐵烙燒赤烙去其破核猶存者併肉潰處次用金寶膏龍珠膏等藥追去蠹惡之根遂能長肉而愈隨經絡證候服除風熱兼引經之藥以除根本可

獲全功也

蟾酥膏

蟾酥

如大豆許

白丁香

拾伍粒

寒水石

些少

巴豆

伍粒

寒食麵

些少

右各另研和作一處再研煉蜜為丸如菜豆大每用壹丸或貳叁丸納入針竅中如膿未盡再用數丸以膿盡為度

綠雲膏

黃連 大黃 黃芩 玄參 黃檗 木鼈子

去殼

各壹錢

右細切用香油壹兩同煎焦色去藥入淨松香伍兩

再煎成膏濾入水中扯拔令金色入鉋再熬放溫入

後藥

豬膽汁

參

銅綠

參錢醋浸壹宿綿濾去渣

右用竹篦帶

溫攪勻然後如常攤貼兼治瘡口不乾加乳香沒藥

輕粉尤妙

金寶膏 去腐肉朽肉不傷良肉新肉

桑柴炭

伍掬用沸湯拾掬淋汁先以草帚一層皮帚二層放羅底次置炭於上淋之

山甲

貳兩

信砒

貳錢

杏仁

桑粒去皮同信砒穿山甲研細

生地黃

貳兩

辰砂

壹錢

粉霜

另研

麝香

各半錢

右將灰汁濾清下煎濃下甲末候焦乾一半下麝香次下粉霜乾及九分下辰砂候成膏下砂石灰末以成塊子即收入小罐子內勿見風

龍珠膏

龍牙草

伍兩

棘棗根

半兩

海藻

貳錢

蘇木

半兩

右細切量水貳拾碗煎至拾貳叁碗濾去渣又用

桑柴炭

石灰

蒼耳草灰

各貳
碗半

以草紙兩層皮紙

兩層放籬底次置灰於上用煎湯熱淋取灰汁十碗
許澄清入鍋內煎成膏用巴豆霜白丁香石膏麝香
輕粉磁礬子收貯取傅核上再傅即去舊藥併靨再
上新藥其核即潰而愈根小者但只塗藥於根上其
核自潰

散蝸牛散

三因

治療癰潰與未潰皆可治

蝸牛

不拘多少以竹簍穿瓦上晒乾燒存性

右為末入輕粉少許豬骨髓調用紙花量瘡大小貼之一法以帶殼蝸牛柒箇生用取去肉入丁香柒粒於柒殼內燒存性與肉同研成膏用紙花貼之

粉金散

黃礬

草烏

各等分

為末蜜調傅之

東垣龍泉散 塗癰

瓦粉 龍泉粉

炒即磨刀石上粉也

廣茂 京三稜

各酒浸炒乾

昆布

洗去土
各半兩

右件同為極細末煎熟水調塗之用此去疾尤速

奇功散

郭氏

治療癰馬刀頑惡等瘡

野糞尖

乾壹兩

密陀僧

無名異

各半兩

皂角

乳香

沒藥

各叁錢

右糞用鹽泥封固炭火煨之去泥取出同藥五味研

為末加麝香少許用清油調勻漫敷上濕即乾搽其

功神効

蝙蝠散 治瘰多年不瘡

蝙蝠 壹箇

右同燒作灰撒上黑豆煨其灰骨化碎為細末濕即乾摻乾則油調傅內服五香連翹湯

螺灰散

大田螺

連殼燒存性

右為細末破者乾貼未破者香油調傅

杏樹葉

陰乾為末伍分

萬年霜

火煨為末貳分半即人中白

蝙蝠

火焙乾為

末
白花蛇蛻

燒為灰存性為末各藥分半

蜜蜂

桑箇焙為末

右將杏樹葉末用清水調却入前四件藥末調勻傅患處却將皮紙一片用針刺孔貼藥上如乾用清水就紙上刷之每一晝夜換藥一次如面上發熱服清涼飲子數貼其熱自退

敗散瘰癧方神效

白膠香 海螵蛸 降真香

用心無土氣者

右等分為末摻患處外以水帛掩之一夕而退

已破者

蜜蜂

貳拾壹箇

蛇蛻

柒分半

蜈蚣

貳條端午前收者

右用香油肆兩將前三藥入油內用文武火熬成入

光粉貳兩用桑枝柒條如筋大者急攪候冷出火氣

七晝夜方可用紙攤作膏貼患處

已上二方得於義門鄭氏累驗不須

服藥貼上五

七日便消

丹貼瘰癧方用大烏頭伍個火炮伍個生用並去皮臍

大皂莢貳條半以好米醋貳鍾刷炙醋乾為度一半焙

乾並去黑皮又用炒糯米一百六十粒同研末以好米醋於火上略頓微煖傅貼患處入蜜少許尤佳 不問

有頭無頭大蟾伍枚日乾細研酥調如麵日兩度貼之

出聖惠方蟾
一作蜘蛛

或破或不破項以下至胸前者皆治之

用九真藤如雞卵大洗生嚼常服之取葉搗傅瘡上數

服即止

出斗門方九真
藤即何首烏也

治瘰用鯽魚芫花燒灰存性水

調傅 治鼠瘻小嫩鼠未出毛者焙乾蝙蝠糞小麥炒

鬼箭根焙乾各為末和勻調傅乾再傅之

木治鼠瘻癰瘰刺蝟皮瓦上焙右一味研為末加水銀粉乾傳

廣治癰瘰經年不瘥者生玄參搗碎傳上日一易之

外治癰瘰燒狼屎灰傳上

治諸瘰疾

本
事

硃砂

砒霜

礪砂

馬牙硝

各等
分

右乳鉢內研細麪糊搜如香附子狀相瘡口大小作之盡送入瘡口中恐腫時用薄荷研細塗之待收口

却將大槲皮白丁香並為末盡入孔中如邊不乾却
用江子去殼不拘多少用麻油煎令赤去火氣後去
江子入蠟合如膏看瘡口大小塗之及將白芨末水
調塗上立効

治漏瘻用蛇菰子不拘多少瓦上晒乾為末用紙撚蘸

藥入瘡口立効

蛇菰子未詳
恐即蛇莓子

神聖換肌散

郭氏

去瘰癧頑瘡

此方乃追蝕死肉
峻藥非頑急勿用

白僵蠶

錢貳

白礬

壹錢半

砒霜

生

蟹螯

去翅

草烏頭

足

青黛

各壹錢

麝香

少許

右研極細末乾摻些少於瘡口內用膏藥蓋護其惡

肉化膿水

生肌乾膿散 治療癰馬刀膿汁不乾者

黃連 貝母

降真香

燒存性

白芨

海螵蛸

五倍子

炒黑

芸香

各伍錢

輕粉

伍分

右為末用藥水洗次搽此末外貼膏藥

如神散 治療癰已潰腐肉不去瘡口不合者

白礬

煨參 錢

松香

鎔化 傾地 上壹兩

右末搯少許於瘡口上外貼膏藥

錠子三品錠子

上品 治一切痔漏

白礬

貳兩

信石

壹兩 零伍分

乳香

沒藥

各參 錢半

雄黃

參錢

中品 治五漏六瘤氣核瘰癧

白礬

貳兩

信石

壹兩 參錢

乳香

沒藥

各參 錢

雄黃

貳錢

下品 治瘰癧氣核惡瘡六瘤

白礬

貳兩

信石

壹兩伍錢

乳香

沒藥

各貳錢半

雄黃

壹錢

右三品俱同製度先將信石打碎如豆大置甘鍋內
上以礬末蓋之瓦片蓋上以炭火煨令烟盡取出候
冷為末用秫米糊為線挺陰乾隨瘡大小深淺長短
臨時裁度先以鉄筒拔毒膏點破次以藥線縫入瘡
內膏藥貼之藥線消盡又要換藥三四次年深者五
六次其根自腐潰如瘡露在外更用蜜水調搽濕則
乾上亦可

紫霞錠子 治療癰痔漏惡瘡

信石 煨 白礬 煨 硃砂 各伍
硃砂 各伍 膽礬 雄黃

分 乳香 沒藥 各貳分半 麝香 片腦 各半

右末稠糊為錠子如豆大帶扁些及作藥線隨瘡大小深淺長短臨時裁度先以拔毒膏點破次以藥錠放在瘡口膏藥貼上三日一換藥待肉腐之時藥線插入瘡口膏藥貼上直候腐肉去盡為度

三才絳雲錠子 治療癰痔漏六瘤惡瘡

天才 初開瘡口緊峻之藥

白礬

煨伍錢

雄黃

參錢

信石

生

礪砂

生

硃砂

各貳錢

膽礬

生

乳香

沒藥

各壹錢半

兒茶

血竭

輕粉

各伍分

麝香 片腦

各少許

人才 又次生新肌去瘀肉緩慢之藥

白礬

煨伍錢

雄黃

參錢

赤石脂

煨

兒茶

硃砂

各貳錢

礪砂

水煎乾

膽礬

煨

乳香

沒藥

輕粉

血竭

各壹

錢半 麝香

片腦

各少許

右末用秫米糊為錠子如豆大帶扁些陰乾又作藥線如麻黃樣先用鉄確膏點癰頭令黑次絀此錠膏藥貼上三日一換藥腐肉不盡出者可更用下品錠子及針頭散取盡腐肉止有膿汁不乾者用生肌乾膿散摻瘡口膏藥貼上如要生肌速用生肌散摻瘡口上膏藥貼之

碧玉錠子 治療癰惡瘡

銅青

參錢

膽礬

生

白礬

煨

白丁香

信石

煨

硃砂

生

雄黃

硃砂

乳香

沒藥

輕粉

各壹錢

麝香

片腦

各少許

右末稠糊為錠子如豆大帶扁些及作藥線陰乾先用拔毒膏點破瘡口上貼膏藥直至腐肉去盡只貼膏藥以肉生滿為度

有一老媪亦治此證索重價始肯醫治其方法乃是下品錠子銜瘡內以膏藥貼之其根自腐未盡再用去盡更搽生肌藥數日即愈人多異之予見其治氣血不虛

者果驗若氣血虛者雖潰亦不愈

餅項後側少陽經中疙瘩不辨肉色不問大小及月日

深遠或有赤硬腫痛用

生山藥

一塊
去皮

草麻子

一粒

右研勻攤貼之如神

丹溪云山藥補陽氣生者能消腫硬經曰虛之所在邪必湊之

留而不去其病為實非腫硬之謂乎固其氣則留滯自不容不行

清涼散餅

山慈菇

生用

良薑

等分

右俱搗為餅去汁罨之能散去寒熱或以山慈姑磨調酒服大妙此藥大能散癰如神

香附餅 治癰癰腫核或風寒襲於經絡結腫或痛

香附子

不拘多少

右末酒和為餅覆患處以熱熨斗熨之未成者內消已成者自潰若風寒濕毒用薑汁作餅

治癰癰不問有頭無頭者

右用大蜘蛛伍箇曬乾細研酥調如面脂日二度傅

之蜘蛛用屋簷頭結網者其他不可用

又方 用黃頰魚破開入草麻子貳叁拾粒在肚內以綿纏定於厠坑內放冬三月春秋二月夏一月取出洗淨用泥固濟文武火煨帶性爛研為末香油調傳及治臙瘡

膏荔枝膏 治療瘰

荔枝肉 壹兩 輕粉 麝香 白豆蔻 川芎 砂仁

各半 硃砂 龍骨 血竭 乳香 各叁錢 全蠍 伍枚

右將荔枝肉搗爛軟末飯和為膏看瘡大小攤貼如
有三五箇者止去點為頭者妙

琥珀膏 治頸項瘰癧初發如梅子腫結硬強漸若連
珠或穿心穴膿潰肌汁不絕經久不瘥漸成癰疾並
皆治之

琥珀

壹兩
細研

丁香

木香

各
分

桂心

半兩

硃砂

白芷

木鼈子

去殼

當歸

防風

去蘆

木通

各半兩

黃丹

柒兩

垂柳

枝

叁兩

松脂

貳兩

麻油

壹斤
貳兩

右除琥珀丁香桂心硃砂木香為細末餘藥細剉以油浸一宿入鐺中以慢火煎候白芷焦黃漉出次下松脂末濾去滓再澄清油却入鐺中慢火熬下黃丹以柳木篦不住手攪令黑色滴水中成珠不散看軟硬得所入琥珀等末攪勻磁器盛用時看大小用火焙紙上勻攤貼

蜂房膏 治熱毒氣毒結成癰癰

露蜂房

炙

蛇蛻

炙

玄參

蛇床子

黃芪

剉

各

杏

仁

壹兩半

亂髮

雞子許

鉛丹

蠟

各貳兩

右先將前五味剉細綿裹用酒少許浸一宿勿令酒多用油半斤入杏仁亂髮煎十五沸待髮消盡即綿濾更下鎔中然後下丹蠟又煎五七沸即瀉出於磁盆中盛取貼瘡上一日一換

鐵筒拔毒膏

治癰疽癰毒瘰癧六瘤疔瘡頑癬痔漏

瘰癧惡瘡腫瘍一切惡肉惡核等毒已成者點破膿腐即去未成者自然消散其毒雖不能全消亦得以

殺其毒也

蕎麥稽灰

桑柴灰

礬石灰

碗各叁

真炭灰

壹蓋

右將四灰和勻用酒漏壹個將棕帕塞住竅用水叁拾碗熬滾淋灰汁將汁復熬滾復淋過取淨藥力慢火入磁罐煎熬以紙數重固口熬至壹碗為度垂滾入礬石灰末攪勻如糊之樣入黃丹取如微紅之色密封固罐口候冷次日將厚實磁罐收貯密塞其口每用少許塗毒頂之上即時咬破不黑又點以黑為

度如藥乾以唾調塗如要急用只將燒大柴灰九碗

石灰三碗淋灰汁熬濃汁如前製用更有枯瘤膏十

陳膏治法並同

黑虎膏 治療癰諸瘡神効

大黃 黃連 黃芩 黃蘗 當歸 各壹兩 木鼈子

錢伍穿山甲叁錢 亂髮壹 蛇蛻壹條 麻油壹斤 黃丹水飛炒捌兩無

真的以好光粉代之妙 乳香壹兩 沒藥伍錢 阿魏壹錢半

右將前九味剉碎入油浸五七日煎熬微黑濾去渣

入黃丹慢火熬成膏候冷入乳香沒藥阿魏末攪勻
油紙攤貼

十香膏 治五癰惡瘡結核癰癰疔癰疽痔

沉香

麝香

各一錢

木香

丁香

乳香

甘松

白芷

安息香

藿香

零陵香

各五錢
為細末

當歸

川芎

黃芪

木通

芍藥

細辛

升麻

白薇

獨活

川椒

藁本

菖蒲

厚朴

商陸根

木鼈子

官桂

各二錢

桃仁

柏子仁

松子仁

杏仁

各五錢

槐枝

桑枝

柳枝

松枝

各二兩剉

沒藥

輕粉

雄黃

硃砂

雲母石

生犀角

亂髮灰

白礬灰

各二兩另研如粉

真酥

羊腎脂

各二兩

黃丹

一斤

清芝麻油

三斤

右先用木炭火煉油香熟下一十六味剉碎藥并四

枝四仁熬至紫色出火瀝去滓入酥脂煎十餘沸再

以新綿濾過油澄清拭鐺令淨再入火上煎油沸下

丹用濕柳枝作篋子不住攪熬一日滴在水中成珠

不散則成也離火入十味藥末攪勻再上火入雲母等粉八味輕煎令沸出火不住攪一食時於磁盆內密封收每用量瘡口大小緋帛上攤貼之腸胃癰疽可作丸如梧桐子大每服七丸空心溫酒送下

又方治療癰已破核不腐致瘡口不斂或貼琥珀膏不應時效針頭散傳之以去腐肉以如神散傳之更服益氣養榮湯若氣血虛者先服益氣養榮湯待氣血稍充方用針頭散仍服前湯

九治療癰 右先於瘡上灸三壯然後用藥潰作瘡口
用新活膳魚截作一指大批開就掩在瘡口上少時
覺瘡內痒急揭起魚覷魚上有細蟲如馬尾一節蟲
出如捲三五次取盡蟲子後用斂瘡口藥

龍腦

乳香

各一字

麝香

粉霜

雄黃

輕粉

各半

錢

右為細末水糊為丸如小麥大每用一九兩丸絰在
瘡口內覺腫痛是効

洗方拔毒湯 治癰癤百雜瘡腫悉能內消

防風 荆芥 羌活 獨活 細辛 藁本

川芎 白芷 大黃 苦參 當歸 赤芍藥

威靈仙 玄參 何首烏 黃礬 甘草 蜂房

甘松 藿香 蒼朮 石菖蒲 零陵香 枸杞子

右蔥白川椒煎水熱洗又用綿布二帖煮熱蒸熨

靈樞寒熱篇黃帝曰寒熱癰癤在於頸腋者皆何氣使然岐伯曰此皆風痿寒熱之毒氣也留於脉而不去者

也鼠瘻之本皆在於臟其末上出於頸腋之間共浮於脉中而末內著於肌肉而外為膿血者易去也黃帝曰去之奈何岐伯曰請從其本引其末可使衰去而絕其寒熱審按其道以予之徐往徐來以去之其小如麥者一刺知三刺而已

右經一章皆從經脉取臟腑之本以治療癰之本也其末出於耳下或耳後下頸至眉上或入缺盆中者當於手足少陽經取之或針或灸如後穴

扁癰癰天井

肩井

撮癰癰天井

半寸灸七壯瀉之

東腋下腫馬刀挾癰善自嚙舌頰天牖中腫寒熱臨

泣丘墟

各一分五壯

太衛

一分灸五壯

腋下頸項腫天池

順皮三分灸七壯

如領腫加後谿

二分灸五壯

腋下腫馬刀挾

癰喉痺

陽輔

五分灸二七壯

中脉

一分灸三壯立愈

甲胸中滿

腋下腫馬刀癰善自嚙舌頰天牖中腫淫灤脰瘰頭眩

枕骨頷腮痛目澀身痺洒淅振寒季脇支滿寒熱脇腰

腹膝外臙痛臨泣主之

馬刀腫癰淵腋章門支溝主

之出於頰下或至頰車者當於手足陽明經取之或

針或灸如後穴

三里

足陽明

合谷

手陽明

丹搗生商陸根作餅子置於瘰癧上艾炷灸餅子上乾即易之灸三四餅

世當癰上貼肉灸十四壯神効

東療癰馬刀將先出一瘡用四楞鐵環定住不令出移破作口子以油紙撚紐之勿令合了以絕其瘡之源其効至速如瘡不破或病人不肯破更以藥塗之三日一

易之以龍泉散主之

方見前

肩尖肘尖二穴圖

即肩髃肘髃




此穴治療癰之秘法蓋癰癰屬肝膽二經故患在耳前
後項腋之間男子多因恚怒虧損肝經之血陰火內作
或不慎起居耗損腎水不能生肝血婦女多因恚怒傷
肝火動血燥或鬱結傷脾火動血耗或患於胸乳間亦
屬前經此證若因恚怒傷肝氣血壅遏而不愈者宜灸
此穴疎通經絡若因久鬱怒元氣虧損而不愈當推其
所屬而調補化源如取其穴當以指甲掐兩肘兩肩四
所患處覺酸麻方是其穴

又方灸瘰癧未成膿者用大蒜切片如三錢厚安患處
用艾壯於蒜上灸之至三五壯換蒜每日灸十數蒜
片以拔鬱毒如破久不合內有核或瘻肉此因血氣
不足不能腐爛以銅錢挺輕輕衣膜取去縱取重亦
不痛不必畏懼更用江西豆豉為末唾津和為餅如
前灸之以助陽氣內服補藥外貼琥珀膏或太乙膏
瘡口自合

靈樞黃帝曰決其生死柰何岐伯曰反其目視之其中

有赤脉上下貫瞳子見一脉一歲死見一脉半一歲半
死見二脉二歲死見二脉半二歲半死見三脉三歲而
死見赤脉不下貫瞳子可治也 肺脉微濡為鼠瘻在
頸支腋之間下不勝其上其應善瘕



證治準繩卷一百八